

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Hortvs Ciceronianvs sive Flores Apophthegmatum &
Historiarum e Scriptis Ciceronis in Vsum &
delectamentum Studiosae pubis excerpti**

Omeis, Magnus Daniel

Norimbergae, 1699

23. Esavvs

urn:nbn:de:bsz:31-105410

eulum, (gravida enim Dominum consuluerat) a natu majore filio primatum & benedictionem astu fraudulentu avertit. Hæc matrona optima virum senem & cæcum curavit fideliter, filium periclitantem servavit pie, nurus acerbas longotulit tempore moderate, familiam copiosam gubernavit prudenter; suæ domus columen, & totius ecclesiæ lumen.

23. *ESAVVS.*

Esavus Isaaci filius, corpore pilosus & rufus, ideoqve Edom cognominatus: moribus truculentus & vehemens, studiis venator & agricola, vietu luxuriosus & vorax. Patris animum simulatione ita sibi devinxit, ut ipsi esset carissimus. Rediens ex agro pulverulentus & fessus, primatum sacerdotii atqve regni, hominis profani & impuri animo vendit,

dit , & pro abjecto pulmento abligurit : ad honores ereptos cum lacrymis adspirans denuo , eos non recipit . Frendens indignatione & odio , fratri mortem minitatur ; in contemptum matris filias gentilium connubio jungit , patris cæci auget ægrimoniam , ad qvem leniendum aliam sibi uxorem qværit , patrui sui filiam : in familia parentum imperitat superbe , & cum maleficio . A fratre redeunte e Syria , placatur muneribus , cui pacificus occurrit , & eidem locupletato , sedem relinquit in Chananæa : Ipse fugatis Horræis , loca montana Seiris vi occupat , a qvo gens Idumæorum , populo Dei semper infesta , nomen atqve opes comparavit .

24.

JOBUS.

Jobus e posteritate , ut alii volunt , Nachoris , ut alii , Esayi , inter Idumæos